

S A M Þ Y K K T

um breytingu á samþykkt um sýsluvegasjóð í Eyjafjarðarsýslu
nr. 55 17. maí 1926.

1. gr.

2. gr. samþykktarinnar orðist þannig:

Svarfaðardalshreppur:

1. Skiðadalsvegur, af Hrisavegi vestan Skiðadalsárbrúar, fram vestan ár að Kóngsstöðum, með álmu yfir á brú norðan Klængshóls.
2. Urðavegur, af Svarfaðardalsvegi hjá Urðum norðan ár að Atlastöðum, með álmu yfir brú á Svarfaðardalsá við Hræringsstaði að Búrfelli og Skeiði.
3. Hjaltastaðavegur, af Hrisavegi við Skiðadalsárbrú um Syðra-Hvarf að Hjalta-
stöðum.

Dalvíkurhreppur:

4. Dalvíkurvegur, af vegi sunnan kaupþúnsins í gegnum það að Múlavegi við Brimnesá.
5. Holtsvegur, af Múlavegi við Brekkunaust að Holti og Svæði.

Árskógshreppur:

6. Kleifarvegur, af Dalvíkurvegi við Þorvaldsdalsá um Vallholt og Brattavelli að landamerkjum Kleifar.
7. Selásvegur, af Hauganesvegi á Selási að Litla-Árskógsvégi við Árbakka.

Arnarneshreppur:

8. Brekkutorfuvegur, af Hörgárdalsvegi ytri hjá Björgum um Möðruvelli, Brekku-
torfu yfir Dalvíkurveg hjá Hofi, um Óstún og á Hjalteyrarveg rétt neðan Brag-
holts.
9. Pálmholtsvegur, af Þjóðveginum hjá Reystará um Pálmholt og Búland á Ósveg
hjá Syðribakka.

Skriðuhreppur:

10. Hörgárdalsvegur innri, framhald frá Flögu upp með ánni að Flöguseli.
11. Búðarnesvegur, af Hörgárdalsvegi innri nálægt Myrká, yfir Hörgá um Búðar-
nes að Bási.

Öxnadalshreppur:

12. Hraunsvegur, af Hörgárdalsvegi innri vestan Öxnadalárbrúar undan Bægisá,
upp Hörgárdal að vestan að Hrauni, með álmu yfir á Norðurlandsveg hjá Þverá.
13. Hálsvegur, af Norðurlandsvegi hjá Engimýri yfir brú á Öxnadalssá undan Hálsi.

Glæsibæjarhreppur:

14. Ásláksstaðavegur, frá Norðurlandsvegi neðan við Samtún um Ásláksstaði að
Hrappstaðaá.
15. Gásavegur, frá Dagverðareyri um Gásir, Skipalón, Hlaðir, að Hörgárbrú.

Hrafnagilshreppur:

16. Finnastaðavegur, af Eyjafjarðarvegi norðan Hólshúss um efribygð að brúnni
á Skjöldalsá neðan Gilsbakka.

Saurbæjarhreppur:

17. Sölvadalsvegur, af Vatnsendavegi norðan Núpufells að Þormóðsstöðum.
18. Hólsgerðisvegur, af Eyjafjarðarvegi hjá Torfufelli að Hólsgerði með álmu austur yfir Eyjafjarðará.
19. Gilsbakkavegur, af Djúpadalsvegi norður frá Hvassafelli að brú á Skjöldalsá við Gilsbakka.
20. Saurbæjarvegur, af Eyjafjarðarbraut hjá Saurbæ, um Háls, Velli og brú á Djúpadalsá hjá Ángerði.

Öngulsstaðahreppur:

21. Leifsstaðavegur, af Norðurlandsvegi norðan við Festarklett að Leifsstöðum.
22. Garðsárdalsvegur, af Laugalandsvegi neðan Hóls að Garðsá.

2. gr.

Samþykkt þessi öðlast þegar gildi.

Jafnframt fellur úr gildi samþykkt nr. 75 31. maí 1958, um breytingu á samþykkt um sýsluvegasjóð Eyjafjarðarsýslu, nr. 55 17. maí 1926.

Samþykkt þessi, sem sýslunefnd Eyjafjarðarsýslu hefur samið og samþykkt samkvæmt lögum nr. 102 19. júní 1933, sbr. lög nr. 50 17. maí 1947 og lög nr. 41 4. apríl 1956, staðfestist hér með og birtist til eftirbreytni öllum þeim, sem hlut eiga að máli.

Samgöngumálaráðuneytið, 25. maí 1962.

Ingólfur Jónsson.

Brynjólfur Ingólfsson.

REGLUGERÐ

um innheimtu gjalda til Stofnlánadeildar landbúnaðarins.

I. KAFLI

Um innheimtu gjalds af innlögðum vörum bænda.

1. gr.

Greiða skal árlega gjald af þeim söluvörum landbúnaðarins sem hér segir:

- a. *Mjólk og mjólkurvörum*, sem lagðar eru inn hjá mjólkursamlögum, rjóma- húum og smjör-samlögum, svo og allri annarri mjólk, sem gjaldskyld er til Verðmiðlunarsjóðs, samkvæmt lögum nr. 59/1960, um Framleiðsluráð landbúnaðarins, verðskráningu, verðmiðlun og sölu á landbúnaðarvörum o. fl.
- b. *Kindakjöti og hvers konar sauðfjárafurðum*, sem lagt er inn hjá sláturhúsum og öðrum viðurkenndum slátrunarstöðvum, hvort sem það er selt á innlendum eða erlendum markaði.
- c. *Hrossa- og nautakjöti svo og húðum*, sem bændur og aðrir framleiðendur selja sláturhúsum, viðurkenndum slátrunarstöðvum og öðrum verzlunum.
- d. *Grænmeti og gróðurhúsaframleiðslu*, sem seld er verzlunum, sölumiðstöðvum eða öðrum söluaðilum.
- e. *Garðávöxtum* hvers konar, sem framleiðendur hafa lagt inn í verzlanir eða sölumiðstöðvar.